

**Uunga siunnersuut: Suliffeqarfiit innuttaasunik tapersersortarialinnik
suliffissaqartitsisut nalunaarsugaasut pillugit Inatsisartut inatsisaat nr. xx, xx. xxx 2019-
imeersoq.**

*Inuussutissarsiornermut Nukissiuteqarnermut Ilisimatusarnermullu Naalakkersuisumit
saqqummiunneqartoq*

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Inuussutissarsiornermut Aatsitassanullu Ataatsimiititaliap suliarinninnermini inuttarai:

Inatsisartunut ilaasortaq Henrik Fleischer, Siumut, Siulittaasoq
Inatsisartunut ilaasortaq Múte Bourup Egede, Inuit Ataqatigiit, Siulittaasup tullia
Inatsisartunut ilaasortaq Aqqalu Jeremiassen, Atassut
Inatsisartunut ilaasortaq Hermann Berthelsen, Siumut
Inatsisartunut ilaasortaq Steen Lynge, Demokraatit
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Tillie Martinussen, Suleqatigiissitsisut

UKA2019-imi ulloq 1. oktober siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisai siunertaalu

UKA2018/226-ip akuersissutigineqarnera tunngavigalugu suliffeqarfiit innuttaasunik tapersersortarialinnik suliffissaqartitsisutut taaneqartartut nalunaarsorneqarnerannut killiliussanik aalajangersaanissaq siunertaralugu Naalakkersuisut inatsisisatut siunnersummik matuminnga saqqummiussippu. Inatsisikkut arlalitsigut uppernarsaateqartussaaneranut piumasaqaatinik aalajangersaasoqarnerata saniatigut ilaatigut suliffeqarfiit qanoq ittuunissaannut, atuuffiinut, piginnittuisa kikkuusinnaanerinut kiisalu sinneqartoorutit qanoq atorneqarnissaannut malittarisassat aalajangersarneqarput. Tassunga atatillugu naammagittaalliuteqarsinnaanermut kiisalu suliffeqarfinnik innuttaasunik

tapersersortarialinnik suliffeqartitsisunik nalunaarsuinermi pisortat akisussaaffii pillugit malittarisassanik siunnersuuteqartoqarpoq.

2. Tusarniaanermut akissutit

Tusarniaanermut akissutit inatsisisssatut siunnersummut ilanggussatut ilangunneqarput, tamannalu ilusiliinissamut piumasaqaatinut Inatsisartut Siulittaasoqarfiannit aalajangersarneqarsimasunut naapertuuppoq. Tusarniaassutigineqartut Tilioq-mut nassiunneqarsimannngitsut ataatsimiititaliamit paasineqarpoq. Tilioq inuit innarluutillit sinnerlugin oqaaseqartartuummat, taakkorpiaallu suliffeqarnermi sunniutilimmik akuutinnejalernissamut pitsaaneruseumik periarfissinneqarnissaat naatsorsuutigineqarmat, Naalakkersuisut Tilioq-mik tusarniaanasuarnissamik ataatsimiititaliamit qinnuigineqarput. Ataatsimiititaliap Naalakkersuisut ataatsimiititaliap qinnuteqaataanut akuersersaarsimanerannut qutsavigiumavai, Tilioq-llu inatsisisssamut siunnersummut oqaaseqaatissaqarsimannnginna paasillugu.

Akuusut attuumassuteqartut tamarmik tusarniarneqarnissaat qulakkeeqqullugu ataatsimiititaliap Naalakkersuisunut inussiarnersumik kaammattuutigissavaa. Tamatumani Inatsisartut aalajangiinissaminni sapinngisamik annertunerpaamik tunngavissaqarnissaat ilaatigut qulakkeerneqaqqullugu.

3. Ataatsimiititaliap siunnersummik suliarinninnera

Naalakkersuisut piumasaqaatinik kaammattuutinillu Inatsisartut UKA2018/226-mik suliarinninneranni saqqummiunneqartunik tamanik malinninniarsimanerat ataatsimiititaliamit naammagisimaarneqarpoq:

“Naalakkersuisut suliffeqarfittut innuttaasunik tapersersortarialinnik suliffissaqartitsisunik nalunaarsugaasut pillugit inatsisisssatut siunnersummik kingusinnerpaamik UKA2019-imi saqqummeeqqullugit Inatsisartut aalajangiiffigisassaattut siunnersuut.”

Siunnersuutip siullermeerneqarnerani oqallisiginneq tunngavigalugu siunnersuutip matuma atuuffissaata erseqqissaatigineqarnissaa naapertuuttutut ataatsimiititaliamit nalilerneqarpoq. Taamaalilluni erseqqissaatigineqassaaq suliffeqarfinnik innuttaasunik tapersersortarialinnik suliffeqartitsisunik nalunaarsuisarnermi killissarititaasut inatsisisssatut siunnersuutikkut matumuunakkut aalajangersarniarneqartut, taamaalillunilu Kalaallit Nunaanni suliffeqarfii innuttaasunik tapersersortarialinnik suliffeqartitsisut suussusersineqarlutik. Taamaalilluni matumani ingerlatseqatigiiffiloriaaseq aalajangersimasoq pillugu inatsit pineqarani suliffeqarfinnik nalunaarsuisarnermut inatsit pineqarpoq¹.

¹ Tamanna pillugu siunnersummut nassuaatini nalinginnaasuni immikkoortoq 1-im erseqqinnerusumik paasisaqrarit.

Suliffeqarfimmut “*Suliffeqarfittut innuttaasunik tapersersortarialinnik suliffeqartitsisutut nalunaarsorsimasutut*” taaguummik nammineq piumassuseq malillugu atuiumasumut piumasaqaatinik inatsisisstatut siunnersuut aalajangersaavoq². Tamatuma saniatigut pisortani oqartussaasup Atuisartoqarnermut Unammilleqatigiinnermullu Aqutsisoqarfiup akisussaaffii pisussaaffiilu inatsisikkut malittarisassiuunneqarput.

Taamaalilluni inatsit Kalaallit Nunaanni suliffeqarfifit atorfinititsisarnermi anguniagassaat pillugit malittarisassiuussinngilaq, taamatullu suliffeqarfimmi innuttaasunik tapersersortarialinnik suliffeqartitsisutut nalunaarsorsimasumi atorfillit ataasiakkaat pisussaaffii akisussaaffiilu pillugit malittarisassiuussinani. Inatsit taamaallaat suliffeqarfifit innuttaasunut tapersersortarialinnut immikkut iliuuseqartut nalunaarsorneqarnerminnik nittarsaatitut atuisinnaanerannik periarfissiivoq, soorlu Naalakkersuisut siunnersuummut nassuaatini nalinginnaasuni ima aalajangersaasut:

“Suliffeqarfifit innuttaasunik tapersersortarialinnik suliffissaqartitsisutut nalunaarsugaasimasup taamaalilluni taaguut “suliffeqarfik innuttaasunik tapersersortarialinnik suliffissaqartitsisoq” suliffeqarfifit siunnersuut malillugu suliffeqarfifit innuttaasunik tapersersortarialinnik suliffissaqartitsisunut immikkut piumasaqaatinik suliffeqarfifit naammassinninneranik immikkut allagartatut imaluunniit uppermarsaatitut atimi nittarsaanerminilu atorsinnaavaa.”

Nalunaarsuisarnermut aaqqissuussinermi siunertaq tassaavoq, suliffeqarfifit innuttaasunik tapersersortarialinnik suliffissaqartitsisutut nalunaarsorsimasut, sulinerminni suliffeqarfittut inunniq tapersersortarialinnik suliffissaqartitsinermut siunertanik isumaginnittutut aamma inunniq tapersersortarialinnik suliffissaqartitsinermik ingerlataqartutut tunngaveqartut, kikkuunerisa ersarissunngortinneqarnissaat.”

3.1 Nalunaarsorneqarnissamut piumasaqaatit

Suliffeqarfittut innuttaasunik tapersersortarialinnik suliffeqartitsisutut nalunaarsorneqarsinnaanermut tunngaviusumik piumasaqaatit tallimat siunnersuummi §§ 6- imiit 8-mut aalajangersarneqarput:

1. Suliffeqarfik innuttaasunik tapersersuiniarnermik siunertaqassaaq (tapersersuinissamik-, suliassaqartitsiniarnermik -, peqqinnissakkut-, avatangiisitigut-, imaluunniit kulturikkut siunertaqartumik).
2. Suliffeqarfik pisortanut attuumassuteqarani namminersortuussaaq.
3. Suliffeqarfik inuussutissarsiornermik ingerlataqartuuussaaq, CVR- normoqassalluni

² Matumani suliffeqarfifit namminneq piumassutsiminnik nalunaarsorneqarsimasut “*suliffeqarfittullu inunniq tapersersortarialinnik suliffeqartitsisutut nalunaarsorneqarsimasutut*” taaguummik atuisinnaanermut piumasaqaatinik inatsimmi aalajangersarneqarsimasunik naammassinnittut kisermaassisussaatitaanerat pineqarpoq.

Kalaallit Nunaannilu najugaqartuussalluni.

4. Suliffeqarfik sulinermini akuutitsisuussaaq atuuffimminilu akisussaassuseqartuussalluni.
5. Suliffeqarfik sinneqartoortiminit innuttaasunik tapersersortarialinnik isumaginnissaaq.

Atuuffiginnisaali una siunnersuummi § 6, imm. 2-mi allassimavoq:

Imm. 2. Suliffeqarfik inummit ataatsimit ingerlanneqartoq aamma suliffeqarfik piginneqatigiinnikkut pilersinneqarsimasoq, Inatsisartut inatsisaat malillugu suliffeqarfittut innuttaasunik tapersersortarialinnik suliffissaqartitsisutut nalunaarsorneqarsinnaanngilaq.

§ 6, imm. 2-mut nassuaatini ilaatigut ima allassimasoqarpoq:

"Suliffeqarfik piginneqatigiinnikkut pilersinneqarsimasoq nalinginnaasumik paasineqassaaq tassaasoq suliffeqarfik, inuk ataaseq arlallilluunniit peqatigiillutik suliffeqarfimmi pigisanik nalilinnik ataasiakkaanik pigisaqartuullutik. Pigisaqaqatigiilluni pilersitatut suliffeqarfiiit pineqarpata suliffimmi naleqartuutinik ataasiakkaanik tamakkuninnga inuk ataaseq imaluunniit amerlanerit pigisaqaqatigiiffagalugit suliffeqarfiiit pineqartarput. Tamaku tassaapput suliffeqarfiiit ilusaanni nalunaarsugaasinnaanngitsuni kisiartaasut. Tamatumunnga patsisaasoq tassaavoq suliffeqarfiiit ilusaanni taakkunani piginnittup aamma suliffeqarfiiup pisuussutaasa akornanni immikkoortitsisoqannginneaq. Soqutigisaqaqatigiittut ingerlatseqatigiiffik nalunaarsugaasinnaavoq. Pigisaqaqatigiilluni pilersitatut suliffeqarfimmut tamatigoortutut suliffeqarfik imatut paasineqassaaq suliffeqarfimmi naleqartuutinik ataasiakkaanik tamakkuninnga inuk ataaseq imaluunniit amerlanerit peqatigiillutik piginnittuuffigisaat. Inuit marluk peqatigiillutik suliffeqarfimmik piginnittuullutik soqutigisaqaqatigiit ingerlatseqatigiiffii (I/S), siunnersuummi § 6, imm, 2-mi pineqartunut ilaanngillat. Soqutigisaqaqatigiit ingerlatseqatigiiffiat taamaalilluni siunnersuut malillugu suliffeqarfittut innuttaasunik tapersersortarialinnik suliffissaqartitsisutut nalunaarsorsimasinnaavoq.

Suliffeqarfiiit inummit ataatsimit pigineqartut aamma suliffeqarfiiit piginneqatigiinnikkut pilersinneqarsimasut suliffeqarfiiit ilusaanni kisiartaallutik siunnersuut malillugu nalunaarsorsimasinnaanngillat. Tamatumunnga pissutaavoq suliffeqarfiiit ilusaanni taamatut ittuni nalinginnaasumik piginnittup pisuussutaasa aamma suliffeqarfiiup pisuussutaasa akornanni nalinginnaasumik immikkoortitsisoqarsinnaannginnera."

(Ataatsimiititaliap erseqqissagaa)

Ataatsimiitaliap paasisinnaavaa suliffeqarfik piginneqatigiinnikkut pilersinneqarsimasoq qulaani erseqqissaasikkat malillugit oqaasertaleeriaatsitigut assigiinngitsutigut pingasutigut nassuiardeqartoq. Oqaasertaliinerit taakku pingasut akornanni naapertuutinngitsoqarsorinanngilaq, taamaattorli suliffeqarfiup taaneqartup soqutigisaqaqatigiillunilu ingerlatseqatigiiffittut taaneqartup (I/S) akornanni erseqqinnerusumik killiliisinnaaneq sooq Naalakkersuisunit atorneqarsimanngitsoq ataatsimiitaliamit eqqumiagineqarpoq. Suliffeqarfilioriaatsit taakku marluk erseqqinnerusumik avissaartinneqarnissaannik tusarniaanermut akissutini ujartuisoqarsimasoq oqaatigineqassaaq. Atuutsinneqanngiffia § 6, imm. 2-mi taaneqartoq tamatumunngalu tunngaviusoq siunnersuutip aappassaaneerneqarnerani erseqqinnerusumik nassuaqqullugu ataatsimiitaliap Naalakkersuisunut qinnutigaa.

3.2 Kisermaassisussaatitaanermik atuisinnaanermut piumasaqaatit

Suliffeqarfittut innuttaasunik tapersersortarialinnik suliffeqartitsisutut nalunaarsorneqarnermik attassiinnarumagaanni paassisutissanik attuumassutilinnik nalunaarutiginnikkut suliffeqarfiup atuuffianik ersarissuutitsinissap qulakkeerneqarnissaa suliffeqarfimmumt pineqartumut pisussaaffiuvoq. (Tak. § 13, imm. 1-5)

Piffissami suliffeqarfiup nalunaarsorneqarfigisimasaani sinneqartoorutinut tunngatillugu, sinneqartoorutit sumut atorneqarnissaannut piumasaqaatit naammassineqarsimassapput – suliffeqarfilluunniit kingornatigut nalunaarsorneqarnerminik taamaatitsigaluarpat, takuuk siunnersummi § 16, imm. 1-3. Taamaalilluni suliffeqarfiup, “suliffeqarfittut innuttaasunik tapersersortarialinnik suliffeqartitsisutut nalunaarsorneqarsimanini” iluaqutsiullugu sinneqartoorutiminik annertusaariarluni nalunaarsorneqarnerminik taamaatitsilluni sinneqartoorutit pineqartut, inatsimmi tamanna pillugu malittarisassat saneqqullugit piumasaminut atorsinnaanngilai. Taamaalilluni suliffeqarfik siusinnerusukkut innuttaasunik tapersersortarialinnik suliffeqartitsisutut nalunaarsugaasimasoq aammalu uppernarsaat atorlugu iluaqtissarsisimasoq suliffeqarfinnut allanut “nalinginnaasunut” sanilliulluni aningaasaqarnikkut iluaquserniarsinnaanngilaq.

3.3 Naammagittaalliorrissamut periarfissat

Maannamut naammagittaalliateqarnissamut periarfissaasup atorneqarsinnaanera siunnersummi §§-ini 22 aamma 23-mi aalajangersarneqartoq ataatsimiitaliap paasivaa, taamaalilluni Atuisartoqarnermut Unammilleqatigiinnermullu Aqutsisoqarfip aalajangigai³ Naalakkersuisunut naammagittaalliatigineqarsinnaallutik.

3.4 Ukiimoortumik nalunaarusiortarneq

Siunnersummi § 21, imm. 1 malillugu ingerlatat pissutsillu inatsimmi ilaatinneqartut kiisalu

³ Matumanit § 5, imm. 2 imaluunniit § 10, imm. 2 malillugit iluarsiivigininnissamut piffissaliussatut aalajangersakkat pillugit aalajangiussat ilaatinneqanngillat.

inatsit naapertorlugu aalajangiinerit pillugit Atuisartoqarnermut Unammilleqatigiinnermullu Aqtsisoqarfíup Naalakkersuisunut nalunaarusiortussaatitaanera ataatsimiititaliamit pitsaasutut nalilerneqarpoq. Nalunaarusiortarneq taanna, siunnersummi siunertarineqartoq naapertorlugu, inatsisip qanoq tulluartigineranut sunniutaanullu ingerlaavartumik nalilersuinertut atorneqassasoq ataatsimiititaliamit neriuutigineqarpoq.

4. Siunnersuutip aningaasaqarnikkut kingunissai

Siunnersuutip piviusunngortinnejnarerani aningaasaqarnikkut kingunissai siunnersummut nalinginnaasumik nassuaatini allaaserineqarput. Taamaalillutik Naalakkersuisut naliliipput nalunaarsuinermut atugassatut qarasaasiakkut nalunaarsuiffimmik pilersitsinermut, ingerlatsinermut aserfallatsaaliiñermullu ukiumut aningaasartuutit 200.000 kr.-iussasut. Tamatuma saniatigut allaffisornermut aningaasartuutit atorfillip ukumi ataatsimi sulineranut aningaasartuutit amerlassuseqassasut naatsorsuutigineqarpoq, tassalu 600.000 kr.-it. Tamatumunnga oqaaseqaateqarnissaminut ataatsimiititaliaq tunngavissaqarsorinngilaq.

5. Ataatsimiititaliap inassuteqaatai

Ataatsimiititaliaq **isumaqatigiittup** siunnersuut **akuerineqassasoq** inassutigaa.

Ataatsimiitaliap taamak oqaaseqaateqarluni isumaliutissiisummilu allassimaneratut paasinnilluni siunnersuut aappassaaniigassanngortippaa.



Henrik Fleischer
Siulittaasoq



Múte Bourup Egede
Siulittaasup tullia



Aqqalu Jerimiassen



Hermann Berthelsen



Steen Lynge



Peter Olsen



Tillie Martinussen